

rium postea in ejusmodi *Varillasis* ad oculum demonstratur. Multa in Historiis publicis adulationem & intempestivum amorem præ se ferunt, cujus non unicus *Iovius* aut *Grammondus* à *Guidone Patino* in *Epistolis*, reus postulatus est, & vicissim in Historiis Anecdotis & Arcanis odii semina sparguntur. Desine itaque mirari cur adeo discrepantes deprehendantur Historici non nullius nominis. Quid dubitat, conferat *Herodotum* cum *Ctesia*; *Dionysium Halicarnasense* cum *Livio*; *Iosephum* cum *Tacito*; (quando ad historias Judaicas dilabitur) *Eusebium* cum *Zosimo*; & inter recentiores *Paulum Jovium* cum *Belcario*; *Gvicciardinum* cum *Bembo*; *Surium* cum *Schleidano*; *Haraum* cum *Grotio*, *Buchananum* cum *Camdeno*; *Sandenum* cum *Burnetto*. Omnia hæc eo magis apta sunt ad persuadendum non temere Senecam calculum posuisse in quæstione de Fide historica, quando *Nat. quæst.* 7. in hæc verba erumpit: *Nec magna molitione detrahenda est autoritas Ephoro: Historicus est. Quidam incredibilium relatu commendationem parant, & lectorem aliud acturum, si per quotidiana duceretur, miraculo excitant. Quidam creduli: quidam negligentes sunt: quibusdam mendacium obrepit: quibusdam placet. Illi non evitant, hi appetunt. Et hoc commune de tota natione historicorum, qui approbari opus suum & fieri populare non putant posse, nisi illud mendacio ad-*

*perfit*